

常昭合志稿卷第二

山形志

敘曰中華中條之山循江而東至金陵乃折而南其別支又起北固下迄崑陵而伏而虞山突聳於海隅羣山之環拱於四隅者凡以十數登高遠望東際於海無復有比峻並峙者是以形勢雄傑氣脈靈秀宜乎名著於江南也自吳越春秋越絕書所載已彰彰可攷六朝以降名流法侶尤競目茲山為勝境雖年代湮遠古蹟或不無附會而風景清淑故不異曩時茲於前志所述就加探訪舉其大概著於篇而邑之羣山亦附記焉為山形志

太平御覽引山謙之南徐州記

常昭合志稿

卷二

山形

一

云南沙縣北百里有中州山昔在海中去岸七十里義熙以來沙漲遂與相連鴻文案以今形勢考之不能確指為何山也姑附志於此

虞山居邑境中央當赤道北緯三十一度四十一分東經四度

零六分

距中錢六百九十餘里

舊志云高一百六十丈長十八里周四

十六里六十步以虞仲得名越絕書云虞山者巫咸所出也

虞故神出奇怪去縣百五里

鴻文案指吳縣言也

一名烏目

鴻文案不知何本舊

志謂出山海經注似未確

一名海島

括地志符圖經

一名海巫

吳郡志

東為辛峰

名始於明代以新塔在巽方故此為辛峯也或據招真館碑遠望仲雍而高墳蕭瑟旁臨齊女而哀壘蒼茫謂此即齊女墓案陸廣微吳地記云齊景公女聘吳太子終纍夫差兄也齊女喪夫每思家國後葬常熟海隅山東南嶺與仲雍周章等墳相近葬畢化白龍冲天而去今號為母塚墳據此則辛峯當即是齊女墓惟越絕書云齊女思其國死葬虞西山又

吳越春秋有必葬我虞山之巔以望齊國之上有亭初名望語邑人遂謂墓在虞山最高處望海墩之傍

湖宋邑令何充叔建後令徐次鐸更名極目米芾書榜明邑令馮

汝弼又更名達觀邑人蕭應宮始名為辛峯亭 國朝康熙

間糧道劉鼎修自撰記其交口虞山乾元宮之陽崇隆起高幾數丈庶倍之士人曰此即古之

齊女墓也其巔有亭名辛峯從向也旁舊有定大不踰咫時

蒸熱霧游者以手探之烟蒙蒙然從內出若有物藏焉夏潦

秋漲往往夜作聲相傳有神蛟蟄於此亭之上崇祀都仙太

史靖明許真君夫虞固澤國也沮洳百里湖流海汐十年九

浸傳云名山天澤是生龍蛇殆有然歟亭屹立山頂聞諸故

老當其全盛時金輪炫日光照雲表寶鈴鳴風響落天外雕

闌花錯畫棟翬飛四垣合圍則秀草綿覆八窗洞啟則清籟

虛徐寔為樓真之福地攬勝之神皋也乃百年以來物換星

移繡柱欹斜鐵繩中斷游人撫碑而歎息牧馬踐石以悲鳴

遂使荆棘叢生香火廢絕卒無有能修舉之者良可歎也子

駐節是邦間以公事閱雉堞登龍岡以為此地寔一邑之勝

於是舉丹邱之仙草汲雪井之靈泉雙塔似表兩湖如鏡蓋

常昭台志稿 卷二

山形

二

景物盡在目中矣然不徒為登覽之樂而已也思所以講求水利鎮壓蛟害者則亭可不修歟乃以康熙某年月日捐俸鳩工勉力而新之用錢若干緡落成之日雕題碧櫺頊還舊觀靈帷法筵不改故物專命有司禁樵牧并委羽人掌啟閉庶幾香火重新災氛永息以與吾民承鍊柱之餘烈奉玉隆之下宮其為利益豈淺鮮哉夫禦災捍患祀典之所有事也修廢舉墜守土者有攸責也則此亭也 乾隆間再修邑人言其與賢士大夫樂觀厥成乎遂為之記

如泗撰記 記文畧曰辛峯亭創自宋邑令何公充康熙間糧道劉公捐俸新之雍正間廟巷蔣氏獨力重葺乾隆

隆間封翁張仁美蕭翔葭州知州孫嗣孝又以時補苴數十年來傾圮日甚歲在丁酉家翰博如洙偕邑人姚大勳吳敬

屈曉發王嚴起區處經費修整州佐李錫瓚名維銓者年八十餘矣練於工役率外孫郭鈺郭汾及乾元宮道士董理其事

事經始於四月間 同治間又修 俗傳此亭壞即多雨故每遇三月而工遂竣 乾旱鄉人即竊往拆損迨雨

足旋亟 亭西為乾元宮 詳寺觀志 亭右有仙人洞 洞口刻昭明其修之

東為仲雍墓 詳冢墓志 左旁稍下有周章墓又下有言子墓並有

墓道達山之東麓折而南山陟多巖石有巨者三上刻字曰
小三台又一石刻字曰舞袖又有亂石如羣羊人名爲初平
石其地亦稱幽坡前有道南泉以近言墓而名也舊時泉頗
噴涌味亦清甘道光間羣馬奔飲偶墜其中後遂填塞今畧
贖涓流耳此處名閑來步步見明人傳記相傳有影娥池鴻文
案既名爲池必不通外水黃廷鑑謂小洋子涇北接福山塘
之水由小洋子橋下西注山麓迤邐流經興賢池影娥池石
梅澗南入焦尾溪皆是臆說不足置辨也亦名影娥川其上舊有館月亭明成化十八年
今黃慶建即此可知池名本取映月之義後人附會爲曾有
仙娥泛舟之說荒誕淺鄙茲屏不載此亭宏治十年令楊子
器以郡守史簡命爲邑人章格改建仰高亭史簡自撰記或謂在三元堂之側或即指言
子墓前之池未審孰是張應遴虞山勝地記卷三元堂內有雪樵亭故宗伯李文安公像在焉澗

常昭合志稿

卷二

山形

三

水伏流匯元壇祠前小池復溢出石潭中曰影娥川舊有亭
臨其上曰館月云云三元堂前之池與言子墓前之池相距
甚近即張記亦未能指明總之古蹟易湮况是小池不必強爲之辨也亭址更不可考矣宋趙公豫

所建半山亭當亦附近此地乾元宮之左舊亦有池曰興賢初名沈頭池宋嘉定間浚
池得石刻興賢池三字乃名今亦不能確指其處南下爲白衣菴再下爲石梅澗松

快筆云澗邑人游蹟恆集焉石梅之左相傳名網船浜云古時有水道達通江橋西育
讀書臺相傳爲梁昭明太子讀書處臺上有亭前明邑令楊

子器所構嘉靖間邑令沈宏彝葺之邑人陳察記記文曰南沙偉望爲

虞山山東南麓有改道觀觀後有臺世傳爲梁昭明太子讀
書處宏治間浙東揚名父先生來令構亭以表未三紀亭蕩
然矣君子惜之金川鄒晉卿貳茲邑會余謝職滁陽赴潮海
道雲澤鄒因晤余入觀循廡既折而東北登陟幾百步松竹
深中得遺址巍然峻突即之則直平天成負層巒而平湖若
文廟經閣若邑治諸廡宇若四民邸第暨郊坰農圃江海遠

峯氣象萬千畢獻目睫胸次一開因歎曰勝哉斯地良稱書
臺亭宜復無何余南邁令尹黃州胡君文明協鄒是構古跡
以彰第棟柱悉以太制度卑隘上兩旁風顧瞻猶歎中州柳
川沈侯君敘繼令於茲器度廓如圖新庶務尤急興賢敦化
又明年政通人和而崇文弔古益勤靡倦捐資鼎建佳以貞
石廣隘崇卑莊重有加震凌無虞邑士大夫暨耆民屬余記
之余竊感夫昭明距今千有餘歲曩爾一臺獨久存且來人
表章誠重讀書也臺以人重人以書顯善乎其讀書也或曰
君子欲自得易以臺爲亭抑未矣噫是或一道也自得信吾
當務也論世教不有樹表風聲之典乎讀書如昭明有足稱
者夫貴爲儲嗣富有方物不期驕侈乃克通五經數行並下
過目皆憶賦詩劇韻屬思卽成斯亦難矣比長克省萬幾內
外奏有謬誤巧妄辯析可否斷獄稱仁寬和容眾喜怒不形
固曰天質過庸而讀書之力其可誣哉史稱性愛山水不用
絲竹勸者漸止意其爲人崇雅脫儒志專文學介居擇勝清
兼心迹者也使天假年繼統爲政梁祚之尤以遐蓋未可量
然則斯臺壇久信非偶然之故斯亭之復殆無愧乎樹表風
聲云登適者試思之書一也善讀者德性若是達於用若是
臺至今重吾可不務乎蓋凡因迹求心希先以上達者概可
得於俛仰間斯舉亦有相之道而豈徒哉日虞仲清懽德高

山形

常昭合志稿

卷二

四

千古子游禮樂道契聖心二公遺芳孔邇過祠則式經稟剛
吁不假外求得師也已雖然學何常師宅心砥行吾從至讓
學道愛人吾儀丹陽公博文繕性敏政吾兼從不遺乎昭明
食實采英敦本該末主善協一歸成吾美夫何不可是則斯
舉固召子所不廢也廢修而前哲長章往而將來勸回視直
觀美資燕遊而於世教邈無與焉者有間也抑楊公輩式開
厥先若今柳川實克繼志以大厥成規模宏遠矣後來君子能同此心尙嗣葺於永永哉

邑人鄧毅又撰

銘文曰虞山致道觀之東有臺巋然而峙者志稱梁昭明太
子統讀書處也其上故有亭廢久矣往歲邑大夫慈溪楊
公嘗一新之未久輒壞嘉靖十二年宛邱沈公來縮縣章縣
周覽邑中古蹟登於臺客有以亭起廢告者公曰昭明太子
爲梁儲副其所著書若文選一集有益於作者茲可使泯其
蹟乎乃斥俸餘作新亭其材皆經久計芟剔榛翳理其磴級
暇日往觀而樂之他日屬邑人鄧毅撰臺銘耆人某出昭明
刻像公命繪者摹之併刻於亭中或疑昭明儲君理無遠駕
而史稱其性好山水常出遊今鍾山當塗皆有其蹟其臺而
常熱當其時列在京輔山水稱佳觀有其撰招真治碑知其
至此不誣也夫古之有國者固亦有游事而昭明獨以書往

其好學足稱云今之臨民社者以簿書徵歛擊斷爲舉職於古事漫不致意若公之爲邑清慎公溥治以最聞而又多所建設是舉也可以見其崇古懷賢之意顧載庸俚莫稱嘉委不得讓謹具銘如教揚公名子器字名父公名宏彛字君敘皆起家進士銘曰蒼山橫陳東關其首長松攬天下有隆阜黎老曰咨往牒有書厥始營者蕭梁之儲賢美大圭志潛細帙循海而東茲焉駐蹕羣玉所度游燕所披載以白鹿霓旌祁祁於臺於堂延冲納爽山空月自如聞通響帝子所誦我莫敢知意所好者世之瑰奇豈無儒工參侍闕席撥遣舉要斷自乃臆文選之輯流功藝林垂憲清古待於鈞梁我觀梁德亦匪克爾魚肉殘宗儲也爲盛學以輔孝鶴禁宵繁乃闕其賢不弭奔鯨含章永福與代俱謝維彌遺基不傾以亞治游莫匪披豎罔登護之榛荆爲有昭明架之樂榼植以樞苑舊觀復還合賢好古嗟爾媚學有書如山退探靜治儲也猶然洗心踐言翦蕪蔓葉臺中有石刻昭明像見全志臺後有泉爲焦尾溪之源即名焦尾泉明邑人孫七政曾撰小記今溪既湮沒泉亦漸微注一淺池每日僅供游人茗飲而已其前

常昭合志稿 卷二

山形

五

太守墓墓碣尙存故此段山名凌家其右昔爲游文書院附

山後譚凌駕山見海角遺編及虞書詳學校今改爲常昭小學堂學堂後山麓新建巫公祠祠後石

輝川媚其左新建倉聖祠再西則院宇鱗比即招真治故址四入字

以致道觀爲總稱而分建神祠焉門臨大街有坊榜曰虞山

福地繆貞手蹟中殿奉三清攷道家之說三清中混元道德

天尊上德皇帝又稱太上老君即老子也唐代凡祀老子者

皆升爲宮故稱李皇宮而俗更以長興李烈士祠建於西廡

又稱李王宮詳寺觀志西爲蔣氏一角園後有壑名流雲亦觀中舊地又西爲

嚴氏別業今其地名並成廢址惟山腰雅集亭尙存明邑令計崇道

同沈周楊循吉蔣欽章格陸潤沈海輩二十一人觀後有丹

觴詠處沈周繪圖計崇道撰記勒石見金石志

井在致道觀附近別有雪井在乾元宮旁兩井並詳寺觀志睢陽井東平王廟前月井

雄黃井皆虞山東南麓泉脈所潛注而睢陽尤有名品茶者

以為惠山虎跑之間舊志云觀後有古檜千章皆前代邑令

所植人呼為郎官柏今無存矣其西為東嶽行宮門亦臨西

門街行宮之後為小武當西有大石孫氏大石山房遺址在

焉旁有小泉名曰穀茶其旁舊有尼菴今為西地藏殿再西

為西城之牆堞詳城垣志鴻文案城築於元末故姚廣孝詩云城半在山高沈似潛詩云千里青山半入

城又重築於嘉靖間故邵北虞詩有城頭新堞玉環腰之句有虞山門踞其上門向而虞

山之陽屬城內者止矣虞山十八景有西城樓閣即指此其在城外從鎮山

門前歷岡脊而西踰普照寺廢址為箬帽峯不半里至維摩

常昭合志稿 卷二

山形

六

寺詳寺觀志寺旁山水下注處名維摩灣虞山雜志云隆慶六年維摩灣土人開山於頽石中擊出白玉一方大如升

不知為玉也攜歸欲為紡其支石至夜光照滿室滴液成塊如筍研一江石人以及金售去玉液滴成之塊僅易小豬一

口稍北山腰有石屋可覆數人中吳紀聞謂太公望隱東海

居此吳地記亦云山東二里有石室太公呂望避紂之處似

即指此旁有石洞將雨輒出雲氣行二里許抵見海亭北望

大江如在目前即望海墩今亭已圯而石柱猶存西為錦峰西南即拂水巖

上有拂水禪院詳寺觀志門外有石橋跨山澗又前即臨石壁兩

崖中豁別有長壽橋架其上從山下遠望危闌橫臥者是也

每遇雨後澗水流注橋下懸為瀑布風自南來則倒捲而上

虞山勝地記畧謂如萬斛葢珠凌空飄洒者非虛語也即天

已放晴仍濛濛作細雨鬱爲奇景名曰拂水蓋以此矣

虞山勝地

記畧云昔人競稱李世賢無雲何處雨洒面作輕寒之句而王勉之之雲壁懸垂漢風珠細拂霄故爲勝之又沈收南絕壁雲扶將墮石豁匡風勒下奔泉尤膾炙人口而王元美風巖畫激諸天雨陰壑雲生萬樹濤遂爲勅敵鴻文案諸詩句足狀劍門之勝禪院之東高巖出泉匯而成池旁闢田畝許特錄之以備覽

歲歲種稻無論旱潦必獲豐收人遂名之爲常熟田長壽橋

之東石壁陡絕迤東南有三脊石舊志云上如舟中如几下

如斛器具形似又有劍門爲虞山之陽最雄秀處明邑人錢

籍會構樓其上今已無遺蹟名爲劍門者以匡裂如劈故借

蜀道之名名之

俗傳爲吳王試劍石不足置辨

石上恭摹康熙間 聖駕南

巡僧人蒙 賜御書煙嵐高曠四字自此磴道曲折而下過

常昭合志稿

卷二

山形

七

半山土地廟直下山麓抵燒香浜路用石子砌成俗名爲霸

王鞭每年三月三日遠近結拜香社進香真武廟

卽在拂水禪院旁

皆由此路登山焉

虞山雜志云啞乞者真武廟旁乞丐也士女來游則拜叩乞錢積數年有錢壘壘出

以裝劍門磴道一夕夢真武命曰汝有善果當令汝破啞而言厥旦聲朗明矣邑人孫樓作文紀其事

拂水巖

西名牛窩潭有萬松庵遺址在焉自此以西有南巖觀音巖

鵝鴿峯

虞山志畧云一名白鶴峯蒼厓峭拔中有盤石砥平可憩游屐有僧樂其幽勝傍石結庵居之自是登覽

者益崇今寶巖周家巖楊家巖皆面湖聳峙磊砢多石雄偉

亦不亞劍門其山巔重岡疊阜嵒巒連屬惟禡旗墩爲最高

西有演武場亦名西校場蓋張士誠駐兵守望處墩側則所

謂石壇在焉吳地記云虞山有二洞穴穴側有石壇周迴六

十丈似亦指此又山北境別有軍營井亦傳是張氏遺蹟也

黃廷鑑虞鄉續記云軍營井在北山山腰平坦處與張氏廢壘相近形如深池而圓一泓清澈旱澇不竭可供千人汲飲蓋張氏駐兵時所鑿也舊志未載西山之頂巖壑較深惟距城遠且少憩息

之所又樵徑縈紆不易登陟游蹤罕至雖有奇勝之境皆不著名矣山之南面從阜成門出西行分三道一日上山路路

多碎石碍步或時有山泉阻滯行蹟經由者甚鮮一日下山

路則沿山前塘西抵燒香浜道也附見坊巷志一日中山路為自

城至鄉陸行通道距城門半里許為吳王廟見壇廟志鴻文案舊志謂此廟

與原北七里之越王句踐廟皆宋熙甯間道士李則正所勸建後陸廣徵吳地記云山西北三里有越王句踐廟郭西二里有吳王夫差廟折姑蘇臺造廣徵唐僖宗時人則兩廟自唐時已有且云折姑蘇臺造更似遠在唐前則正或是修舊

常昭合志稿

卷二

山形

八

廟或廟已毀而就故址重建均未可知總之非勸建也廟有古井一見金石志舊有榜題曰

吳山第一峯今廟基侵削僅存遺址虞山勝地紀畧曰廟之後山為鑿石者所蝕刻

寺剝膚不堪仰視輒輒使者揭榜厲禁而鑿取如攷言志云虞山上築城垣下建祠墓思禁開採而傍山居民往往鑿石

牟何乾隆五年兩邑紳士陳祖范等具呈觀察力言其弊時蔣氏亦以山產白泥處所先經購買護墳請禁居民盜掘經

稟中詳督撫分釘地界刊碑永禁客戶挖鑿一碑立於西山維摩下院一碑立於北山茶亭旁嘉慶四年邑紳因山梟違

禁呈縣飭差督同地保自一都一其西為孫氏園林舊基再圖至三圖按山口查封取結勒碑

西即孫氏墓道所謂吾谷者是也孫西川翁曾種楓樹九千

九百九十九株每值冬初游人於此看紅葉稱為吾谷楓林

今無復老榦間有後植者點綴山麓耳旁有石洞名老虎洞

拂水巖旁別有一老虎洞又西則前直程家橋有程司空墓道舊多古榆

爲避暑佳地今亦已無餘蔭又西舊有趙文毅園林池平臺
阨莫尋故蹟復半里許越大道由小徑曲折入山坳兩峯環
合長岡前橫窈然深秀先有高道者居之故名高道山居宋
周忠惠虎就其地築露臺故又名露臺山居至明代有燕僧
月滄改爲佛宇遂更名高道禪院巖石栽花極稱幽勝未久
卽就荒廢今其地仍名山居鬱其右有泉卽名高道泉深四
五尺味頗清冽其西地名杏花台當卽宋張栻築光滌亭處
詳園林志又舊志所記虞氏之谷林及周氏之劍谿亭當亦在此
然並迷其處矣又西則爲嚴文靖錦峯書院遺址前臨燒香
浜右卽其祖塋俗稱爲嚴家祠堂舊時樓閣崇麗樹石清幽

常昭合志稿 卷二

山形

九

春日游人趾踵相接卽買舟作三橋春游者

居人吳蔚光系原湘寺並有三

橋春游詩亦必至其地登岸流連今則僅存祠屋數楹在墓道前

岸側居民不成村落惟上巳拜香之期畧有茗鑪酒旆臨流

喧集而已墓道左野田中有泉一渦迥寒不冰蓋溫泉也地

僻未經品題故游客罕知者

據處山勝地紀畧

墓道右登山磴道卽

上文所云俗名霸王鞭者是已石磴旁有龜沫泉拂水山莊

已無遺蹟

今嚴祠之西稱爲花園畝昔是其遺址存一小石橋東澗墓上錢梅溪集東坡書爲立一碣至河東

君墓則屢經人修葺尚易辨認耳

又三里許爲寶巖灣山陽邱壑獨此處爲

深有延福禪院僅存草屋三椽舊傳巫公墓在禪院之東今

無可攷再西經落星港

有巨石一方突峙野田中

至謝家浜上則翁氏墓

田丙舍在焉更西即近湖橋由山麓曲折而登徑松林中有白雲棲禪院中有石洞由石磴拾級而下其左厓覆如屋地亦平坦中供佛像其旁可坐十餘人其右坎深丈餘泉自中溢出仰視洞頂透光處正如井中觀天水氣薰蒸而上四周石罅水珠滴瀝琤琮有聲其中冬則溫而夏則寒凜虞山一佳境也泉甚甘冽故名曰冽泉城中好事者往往汲載以供茗飲俗呼爲小石洞者以由寺右高陟相距不遠更有一洞較此爲大別以老石洞名之惟洞既不出泉又別無可流覽處故游人不顧也白雲棲爲正西向蓋至此而面陽之山形盡矣離此里許爲藤谿舊有巨藤數株蟠結如虯龍明邑人

孫柚始覓得之結廬其間後屬之顧雲鴻旋亦荒圯

並詳園林志

溪南厓有青石澗溪北有石洞厓石多峭拔其上即接張氏之演武場矣上有堆阜纍纍中虛凡十數處似皆人力爲之

俗名藏軍洞舊傳吳王演武於此休息士卒或曰亦張士誠所作也或云是上古穴居遺迹則想當然語耳由此轉北爲

秦坡澗

鄧志名陳家澗又名東澗虞鄉志畧云俗呼陳婆澗

鳥道盤紆長林掩映間沈

沈如雷鳴者皆澗水聲也澗中多石故作響甚清其上有兩峯名石城峰即招真館碑所謂石城石門虛崕自然者也其下爲七星墩叢篁灌木橫岡斷壘自非土著鮮不迷途轉向東北爲三峯前有清涼寺

詳寺觀志

隔一小嶺舊有上方院俗稱

爲小靈隱今廢由清涼寺陟九里坡有中峯講寺詳寺觀志寺左

有白龍神祠俗稱爲龍殿詳壇廟志澗底有龍井方可丈許石闌

護之水深尺餘旱不涸潦不盈雨暘致禱於此每獲靈應亦

名龍湫其上舊有龍湫亭今廢祠下小池相傳時有朱唇白

鰻游泳其中人謂是龍種不敢犯池上銀杏一株猶數百年

前古樹亦神物也中峯寺南澗中有五丈石雄偉奇峭是名

五丈澗又南有龜巖亦稱幽潔由中峰寺穿林而西是爲頂

山舊有廣福禪院詳寺觀志即頂山寺產佳栗處也寺前舊有翠

珉橋其上爲齊女峯高二十丈周八十步舊傳此爲齊女墓

蓋虞山北面最高之峯也相近又有龍母峯龍母墓在其上

常昭合志稿 卷二

山形

七

下臨龍祠去龍祠數百武有瑞石形狀特偉半出厓外旁有

瑞石庵遺址石底懸瀑如簾曰水簾洞其水名曰酌泉泉流

經頂山寺前從翠珉橋下注曰頂山澗其左右別有烏目澗

錢山澗山水盛時鳴如相應頂山之西秦坡澗之上有泉名

曰玉蟹泉中常涵白乳絲蓋石華所化鍾乳之類以之瀹茗

味甘且腴甲於虞山諸泉權之量亦重於他水但質既醜厚

其味易變嗜飲者必攜鑪銚就酌若汲擔入城不堪飲矣距

中峯里許爲連珠洞高不及丈廣約三丈深可四五丈諸石

屋中此最深廣同治間居民因祈禱有應遂奉大士香火於

其中并建屋數椽焉由是而東南行抵破山興福寺詳寺觀志寺

臨破龍澗亦名鬪龍澗

舊志云昔有高僧講經山中一老翁日來聽講問之曰吾乃龍也僧因誦

揭諦咒龍見木形與神鬪不勝破其山而去故名

旁有朱砂洞

虞山木產赭石此朱砂其類也俗人以破

山有因龍鬪得名之說遂附會此為龍血所漬而然

白蓮池

亦名放生池

其下別有三角池

此外山門即臨北門大街

地名與福街

寺西南有舜過井

鄧志云在南谷

中泉出於地會亦作勝果泉

歷白鱗洞

按疑作白堊洞山產滑石處也旁亦有泉自石竇滴下淙淙不絕舊

有僧庵今廢

其下為洗馬池宋尹團練屯兵防江處又南抵桃源

澗澗上有桃源洞澗旁石壁鐫飛寒二隸字明漢陽知府孫

克宏書也舊有李公亭今存遺址澗於北山夙稱勝地雨後

山泉匯注飛湍下瀉響逾琴筑相傳昔年漫山皆種桃花流

水夾花片而下尤為奇觀故名桃源澗焉近桃源澗有明陳

常昭合志稿

卷二

山形

七

莊靖公賜瑩公子錫立建大士香火院於澗上曰妙音庵又

於墓側營構院宇亭臺樓閣備極勝槩當時春秋佳日游人

之多與西郭錦峯書院相埒今亦榛蕪矣桃源澗之北更有

石屋澗亦為觀瀑佳處地較桃源尤開曠石屋下臨流可坐

數十人再上則為蕭家棧

此棧是蕭應宮夫人出費以石砌成故名

蒼松夾路漣

聲謾謾此由北門直趨拂水巖道出桃源澗之南則為天潭

谷從石門入舊稱水木清華翛然隱者之居潭水深不盈丈

清澄不涸旁為沈氏茂瓜邱故址再南則山麓上為普仁禪

院亦名鍊佛寺俗呼北地藏殿

詳寺觀志

與北門城牆為鄰矣入

鎮江門沿山麓為陳家山門陸家山門舊有院宇並經兵燹

毀廢惟新建之小普陀禪院在焉南抵三元堂故址再南卽
言子墓道矣虞山勝地紀畧曰茲山峻拔嶙峋之狀畢呈於
西深巖絕壑之幽獨邃於北西有山塘圍繞尙湖襟帶游者
多蘭橈畫舫之觀北有修竹清泉長林絕巘游者多考槃邁
軸之想此言頗得大概云

小山距縣城十八里卽在虞山之西山脈相連而中隔一水高
十七丈周四里一百步其下爲鄒巷亦名小山頭

福山在縣北四十里高九十五丈長三百五十步周五里本名
覆釜山其形似也唐天寶六載改名金鳳山梁乾化三年改
今名俯臨大江與通州狼山相望爲長江門戶東南扼要之

常昭合志稿

卷二

山形

三

區山上有東嶽廟

見壇廟志

望江亭明宏治中推官甘泉建里人

曹文記山向無泉嘉慶二十五年山中人鑿石得泉水甘冽

因名福雲郡人石韞玉撰銘

其序文曰常熟福山向無泉山中人每苦遠汲歲在庚辰土人

鑿石得泉眾情歡喜有來告者乃爲之銘其詞曰巖巖福山在海之濱雲霞萬狀草木千春緇流野處遙隔世塵鑿石及泉山川之神乃除瓦礫乃剪荆榛淵然一勺既清山淪我皇受福龍飛之辰天降甘澤錫爾丞人

壽山亦名陶山與福山相連高三十丈長一百五十丈北濱大

江橫互無峯

常熟山在縣北三十六里高一百五丈周七里本名銅官山

或云

銅官山上有石如船唐天寶六載改今名

盧鎮琴川志云唐改山名爲常熟蓋因縣

治爲名可知隋置常熟縣治南沙故城此山本在縣城內湖三省通鑑注謂今常熟縣福山鎮之地卽東晉之南沙縣其

言不
誣矣

范山在縣北三十六里高七十四丈周二里與福山相近舊志云梁范冀兄弟居此山以是得名一云即永安山

永安山亦名下范山在縣北三十六里與范山相近高二丈長七百五十丈

小竹山在縣西北四十一里舊志云三十六里高五十丈周三百步

茅家山在縣西北四十里高二丈長一百五十丈

石家山在縣北三十七里常熱山北高五十七丈周二里虞書云高一丈長二百丈周五里

常昭合志稿 卷二

山形

齒

河陽山在縣西北四十五里高一百二十丈周七里一名鳳凰

山上有秀峯有天然井一作石井嘗出醴泉又有永慶寺見寺觀志

後有唐狀元陸器讀書臺

崇德山在縣西北三十八里河陽山南高十五丈長九十丈周

七里三十步一名塔山塔亦作塌即河陽山之隕山也俗名塔帽山舊

志云晉處士夏統宣城太守邴臻居此

志山亦名鷺山在縣西五十里高九十丈周四里一百步近西

徐市盧志邨民鑿池得唐時墓中斷碑云葬於鷺山之下則志當作鷺山有法輪寺見寺觀志

宛山亦名苑山又名馬鞍山踞苑山蕩之上在縣西南五十里

高四十丈長三百丈周五里山有墨池石堅細可爲硯有雲

慶寺

見寺觀志

山頂有石塔山人顧大棟建名報親塔

顧山在縣西五十里高一百七十丈周二十一里一名香山又

名靈龜山東南屬常熟西南屬無錫西屬江陰

俗呼三界山

山上

有香山禪寺

見寺觀志

茯苓山在縣西北六十五里慶安鎮西北高數丈周三百步下

有龍潭石闕猶存相傳舊產茯苓故名

塢邱山在縣東三十五里土阜無石高止數仞巋然一邱故名

或作塢山旁有增福禪院

見寺觀志

黃土山在縣南二十里魏涇橋南高十丈長六十丈濶三十丈

亦無石

常昭合志稿

卷二

山形

五

穿山在縣東南百餘里高十七丈周二百五十步山有石洞中

空可通往來相傳本是海中島也臨海記曰昔有舉帆徑過

其下者山下舊有城前代曾於此置鹽場今割隸太倉州境

附縣境各土阜

元武墩在城內常熟縣舊署後巷

野雞墩在城北

烏目墩在城西山麓

羅墩在尚湖南四里

舊傳為羅丞相墓無今考

念思墩亦在尚湖南

金雞墩在湖橋西五里俗傳其下舊有金寶氣化為雞時夜鳴

其上或云是張士誠聘妃李氏金兒葬此故名金姬墩

明楊儀有



金姬傳其畧曰金姬姓李氏名金兒山東章邱人李素之女素得張明遠醫卜之傳以授女遂極玄妙言人禍福皆響應僑居泗州元至正十四年士誠陷泗州素家被掠金兒年未及笄爲士誠母曹氏侍兒士誠由高郵至常熟運籌決策金兒卜筮之功居多十六年三月從士誠渡江初十日士誠舟師由福山港進九浙塘至墅橋憶金兒占驗之功使召入舟見其姿容明麗欲立爲妃取桃花簪其鬢曰以此爲聘金兒知不免遂啟故篋出香焚之長跪私祝須臾忽暝時年十六士誠哀慟不已厚葬湖橋西黃塘道旁後封爲護國洞玄仙妃二十七年明兵下蘇州姬母匿士誠二子於民舍月餘嚴稍解馳至黃塘視姬墓則已成墟矣士人言陸將軍從江陰來亂軍發姬冢尸已蛻去惟衣衾在焉 鴻文按原傳甚詳相傳係五川假託之詞並非實事茲從虞鄉志畧節錄大槩以備參攷

薛墩在河陽山北舊名桓墩避宋欽宗諱改地出佳梨今其種已絕詳物產志

蔡墩在韓墩西有東西二墩舊志西墩之側民掘地得斷碑文云唐咸通十二年蔡將軍墓銘曰

哀哉先君大道無聞夫人先葬府君後臨唯雌二劍俱飛碧雲蔡墩之側千秋萬春

常昭台志稿 卷二 山形 六

黃泥墩在太平橋西小而土色純黃非人力所堆亦河陽山之北

朱塢墩在田莊福山兩鎮之間舊傳朱姓聚族居此亦名朱扈

墩後又譌呼爲豬虎墩

李塢墩在東金村東北舊傳李姓聚族居此前志記各鄉村名

所稱李烏卽此地是也後譌呼爲合狐墩

尚墅墩在謝家橋

歐陽墩在縣西十五都舊傳歐陽丞相渡江葬母於此今其事不可攷

石墩在縣東九里旁有石墩庵及民居其南又有青墩臨塘

胭脂墩在梅李鎮近鎮別有淘沙墩唐乾符陀羅經石幢出於胭脂墩土中

石佛墩胖沙墩並在岡身石佛墩石佛見金石志